



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

26. Quomodo Martinus cum pauperi chlamidis suæ partem dedisset, nocte sequenti Christum ea vestitum conspicit.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

non conceperat de ipsis misericordiam. Scriptura enim eleemosynam appellat **צדקה** id est iustitiam, & pro eo quod est, date eleemosynam, ait, date iustitiam, quia hæc præ cæteris ex improbo iustum facit: quo pertinet illud scripturæ, Eleemosyna liberat à morte. Hæc Bodinus. Sanè illos qui in pauperes beneficii sunt & liberales, à multis malis & periculis inimicorumque insidijs immunes fore, quin & multis beneficijs à Deo afficiendos, etiam in hac terra propheta regius diuino spiritu affatus, illis polliceri videtur, dum ait: Beatus, *psal. 40* qui intelligit super egenum & pauperem, in die mala liberabit eum Dominus. Dominus conseruet eum, & viuificet eum, & beatum faciat eum in terra, & non tradat eum in astringam inimicorum eius. Dominus opem ferat illi super lectum doloris eius, &c. In quem locum D. Augustin. Erige, inquit, oculos in hæc promissa Christiana fide, non te deserit DEVS in terra, & aliquid promittit in coelo. Promissionem habes vitæ præsentis & futuræ.

Seuerus Sulpicius libr. de vita S. Martini cap. 2. D. Martinus cum pauperi chlamydis sue partem dedisset, nocte sequenti Christum ea vestitum conspexit.

CAP. XXVI.

Vulgatum quidem est, sed non vulgari laude dignum, quod de D. Martino Episcopo Turonico in pauperes liberalissimo

simo Sulpitius commemorat. Quodam tem-
 pore, inquit, cum iam nihil præter arma &
 simplicem militiæ vestem haberet, media hy-
 eme, quæ solito asperior inhorruerat, adeo ut
 plerosque vis algoris extingueret, obuium ha-
 buit in porta Ambianensium ciuitatis paupe-
 rem nudum. Qui cum prætereuntes, ut sui mi-
 sererentur, oraret, omnesque miserum præte-
 rirent, intellexit vir Deo plenus sibi illum, a-
 lijs misericordiam non præstantibus, reserua-
 ri. Quid tamen ageret? Nihil præter chlamy-
 dem, qua indutus erat, habebat. Iam enim re-
 liqua in opus simile consumpserat. Arrepto
 itaque ferro, quo erat accinctus, mediam diui-
 dit, partemque eius pauperi tribuit, reliqua
 rursus induitur. Interea de circumstantibus
 ridere nonnulli, quia deformis esset, & erun-
 catus habitu videretur: multi tamen, quibus e-
 rat mens sanior altius gemere, qui simile ni-
 hil fecissent, cum utiq; plus habentes, vestire
 pauperem sine sua nuditate potuissent. Nocte
 igitur insecuta, cum se sopori dedisset, vidit
 Christum chlamydis suæ, qua pauperem te-
 xerat, parte vestitum: Intueri diligentissimè
 dominum vestemque, quam dederat, iubetur
 agnoscere. Mox ad angelorum circumstanti-
 um multitudinem audiuit IESVM clara voce
 dicentem: Martinus adhuc catechumenus hac
 me veste contextit. Verè memor Dominus di-
 ctorum suorum, qui ante prædixerat: Quan-
 diu fecistis hæc vni ex minimis istis, mihi fe-
 cistis:

cistis: se in paupere professus est fuisse vestitum, & ad confirmandum tam boni operis testimonium, in eodem se habitu, quem pauper acceperat, est dignatus ostendere.

Ioannes Brugmannus in vita admirande virginis Lydia seu Lydumina Scheidamensis (que habetur tom. 7. Suri 14. Aprilis) cap. 2. partis 2. De insigni liberalitate virginis huius Lydumina in pauperes, de crumena IESV, que nunquam exhauriebatur, ac de gloria ac dignitate eleemosynarum, apud Deum.

CAP. XXVII.

Sancta virgo Lydia, sibi ipsi parcissima, pauperibus matrem se exhibebat, nulli negans opem, donec teruncius superesset. Si largiri nihil posset, condolentem præbebat animum, blandum è pio corde promebat sermonem. Cibos interdum coctos, nonnunquam crudos mittebat. Si quid negligenter in ijs fieret ab eis, per quos mittebat, dolebat animo eius, quod pauperes, tanquam coelestis regni principes futuros, vel ad horulam sua annonæ fraudari nollet. Nouerat pauperum nomina & habitacula, & quamuis iaceret in tenebris, omnia intueri, omnia distinctè cognoscere videbatur, perinde ac si versaretur inter homines. In pauperum usus iussit hyeme sale aspergere carnes, salitas cum pisis coctas illis trans mittebat. Contigit aliquando, ut cum vicinis diuidenda vacca quarta pars ei cederet
ad